

Invit dala Uniun dles Èles ala gita d'aisciüda: i se abinun en jöbia ai 25 de ma dales 7:30 a Pedraces por jí al Santuar dediché a S. Maria dai 7 dolurs a Riffian. Do na bona marèna a Dorf Tirol junse a fá n spazier tla cité de Maran. Le cost é apresciapüch de 65 €. Prenotesse pro Roberta 338/3852548 entro i 22 de ma (domisdé o da sèra, ince por whatsapp). Gnide para.

lade dla Caritas a Sares en vëndres, ai 12 de ma: an pèia ia dales 14:30 da S. Martin Todësch dlungia le Kreuzweg por jí a pe a Sares olache al sará na funziun y dedô picera marèna. Prenotesse cina ai 8 de ma al nr. tel. 347 4465806 o por mail a karmen.rienzner@caritas.bz.it


La biblioteca Sas dla Crusc invièia en jöbia ai 11 de ma, dales 15:30 te biblioteca a La Ila a n domisdé d'aurela cörta cun jüc da mësa por döta la familia.

I jun a pe cun le KVW: duc é inviá en mercui, ai 10 de ma a na *Roda a Ciastel (Kastelruth)*. I piun ia dales 08:00 da Pedraces y sciöche dagnara prenotesse pro iaco al nr. 339 6257779 o 338 2119002.

La Ciamena dal quant sará inant daverta por se chirí fora quant, mo al vëgn perié da ne porté nia plü quant dala fin de ma inant, deache la Ciamena dal quant messará plü inant porvé da se chirí n'atra sènta. Sce zacai ess locai adatá da mëte a desposiziun, ési dër bel peria da se lascé adintène pro la Ciamena dal quant. Plü inant gnará lascé alsavèi sciöche ara vá inant.

Sëra de informaziun por geniturs " Le monn digital di jogn y dles jones " ai 10 de ma dales 19:30 te SaJ.un a La Ila cun i referenc Maddalena Valentini y Emanuel Gravino. Le fin d'incuntada é chël de promöie n ecuilber danter la vita online y chëra offline. Organisaziun: Consèi de Formaziun Badia.

Baratada di ciüf, pelzes y somënzes ai 10 de ma dales 20.00: tl salf di stödafüch a S. Martin saral n referat de Sigrid Thaler Rizzoli „ *Die Kraft der Kräuter für die Hausapotheke und für die Küche mit zahlreichen Rezeptvorschlägen* ". Al gnará ince splighé co adoré i ciüf y les pelzes portades in chëla sèra. Les patrones dl Comun da S. Martin invièia duc.



Plata dla Ploania Badia

San Iaco - San Linert


Ploan: Siur Iaco Wendelin Willeit
Cell. 347 909 4532

Calonia Badia: 0471/839571

E-Mail: parrocchiabadia@libero.it

Radio dla Ploania: 91,10 Mhz

UNITÉ PASTORALA



VAL BADIA

www.unitepastorala.org


Ann „A“ 07.05. – 14.05.2023

5° Domènia de Pasca

n. 24

GESÜ

è la



Vangele dla proscima Domènia - 6ª de Pasca "A"

Jan 14,15-21

Te chël tēmp á Gejù dit a sù discepuì: Sc'i m'orèis bun, se tignarèise a mi comandamēnc, y iö periará le Pere, y èl ves dará n'ater paraclēt, che dess resté pro os por dagnora. Al é le Spirit dla verité, che le monn ne po nia ciáfé deache èl ne le vèiga nia y ne le conēsç nia. Os indere le conescèis, ciodich'al stá pro os y sará te os.

I ne ves lasciará nia indô sciöche orfans, mo i vègni indô da os. Ma ciamó püch tēmp, y le monn ne me vèiga nia plü; mo os m'odèis, deach'i viri y ince os viarèis. En chël de conesciarèise: Iö sun te mi Pere, os sèis te me, y iö sun te os. Chël che tol sô mi comandamēnc y se tēgn a d'èi, chël m'ó bun; a chël che m'ó bun, ti vègnel orü bun da mi Pere, y ince iö ti orará bun y a chël me darai da conēsce.

FUNZIUNS SACRES

07.05. **5^a DOMÈNIA de PASCA / Festa de S. Florian**

- 10.00 **Mëssa dla Comunità con i Stüdafüch / benedisciun auti**
†to Paolo Pitscheider da Puntac
por fam. Lauränz y Hannele Irsara
ad intenziun
- 18.00 †to Pire Valentini
†ta Maria Pescollderungg Dapunt
†ti de Arturo Canins
por les animes dl purgatore

08.05. Lünesc

- 19.30 *Corona de ma (cianta Kerygma)*

09.05. Mertesc

- 14.00** *Mëssa cun le Senioreclub (te Ciasa Runcher)*
†ta Maria Tavella Dapunt
por les animes dl purgatore

10.05. Mercui

- 07.25 *Mëssa cun i scolars*
ad intenziun
por les animes dl purgatore

12.05. Vëndres – **S. Pancraz**

- 07.30 por les animes dl purgatore

13.05. Sabeda - **S. Maria da Fatima**

- 10.30 *Zelebrazium dl Bato de Elena Prazza*
16.00 Mëssa a Oies
19.30 *Corona de ma*

14.05. **6^a DOMÈNIA de PASCA / Festa dla Prüma Comuniun**

- 09.45 *dan colonia: Salüt y ingres te dljia di neocomunicanc*
10.00 **Mëssa cun i mituns dla 1.Comuniun y la Comunità**
†ta Maria Pescoll Promberger
†to Sandro Canins
†to Paul Frenademetz
18.00 †ta Teresa Ploner Saning
†ta Zita Pescollderungg Irsara

Dala VITA dla CÜRA

Crejima: por chi che ó cialé la Crejima tl 2025 é les iscriziuns te colonia: en vëndres, ai 19 de ma dales 16:30
en sabeda, ai 20 de ma dales 10:00

Senioreclub: düc é inviá en mertesc, ai 9 de ma dales 14:00 te Ciasa Runcher por na santa mëssa y dedô mostrará Albina Sottara deplö foto de so fre Siur Robert.

L'Uniun Èi Val Badia / Kmb inviëia düc i ëi y jogn a tó pert ala **prozesciun** cun linternes o ciandères da se tó para en sabeda, ai 13 de ma dales 21:00 da **Porsenú a Neustift**. An pëia ia da Porsenú-Vinzentinum y a Neustift sarál na santa mëssa cun nosc Vëscó. Al vëgn organisé na coriera che pëia ia da Pedraces dales 19:00. Düc i interesciá dess se prenoté pro le surastant dl paisc o pro Leo al nr. 348 4096351 anter le 9 de ma.

Ora d'oraziun a Oies: en vëndres, ai 12 de ma dales 20:00 te stüa dla ciasa de nosc Sant a Oies. Düc é dër bel inviá a tó pert.

Consëi de Cüra: al se abina en mertesc, ai 9 de ma da sëra .
Lapró sarál ince na incuntada cun i jogn.

N gran bel giulan a dotes les porsones che é gnüdes a **lavé la dljia** y á porté ite n te bun parföm tla Ciasa dl Signur y dla Comunità; n bel giulan ai sponsores y benefaturs; n gran giulan sambëgn ince al Bruno y ala Erna che ciara dla dljia döt l'ann.

Por la **festa de San Florian** dijunse n bun pinsier y **gran giulan ala Uniun di Stödafüch** por so bun sorvisc por le paisc y te na maniera particolare por le sorvisc al bëgn dla Cüra ales festes y prozesciuns. La Uniun di Stödafüch é "*l'amur dl proscimo organisé*".

Siur Degan